



## Polasaí Éide Scoile Ghaelcholáiste Charraig Uí Leighin

### 1. Ginearálta

#### 1.1 Scóp

Baineann an polasaí seo le daltaí uile na scoile, lena dtuismitheoirí/caomhnóirí agus le foireann na scoile.

#### 1.2 Baint le sainspiorad na scoile

Is cuid lárnach d'aitheantas dhaltaí na scoile í an chulaith scoile. Táthar ag súil go gcaithfidh gach uile dalta an chulaith scoile le dínit agus bród, leis an tuiscint ní hamháin go mbaineann aitheantas tábhachtach léi dó/di féin, gur ionadaí é gach dalta dá scoil féin chomh maith. Tá sé mar aidhm ag Gaelcholáiste Charraig Uí Leighin timpeallacht fháiltiúil, shlán agus ordaithe a chur ar fáil agus a chaomhnú don uile dalta, ina dtugtar gach aon tacaíocht barr a chumas acadúil, pearsanta, sóisialta agus móralach a bhaint amach, le féinmheas agus le meas ar a chéile.

#### 1.3 Cómhthéacs

Deineadh an polasaí seo a fhorbairt le comhairliúchán pháirtithe leasmhara uile na scoile, agus ar aon dul le héiteas na scoile. Ba chóir go leifí é i gcómhthéacs Pholasaí Sláinte agus Sábháilteachtacha, Pholasaí Iompair, Pholasaí Turasanna Scoile agus Pholasaí Bí Cineálta na scoile. Molann Gaelcholáiste Charraig Uí Leighin barr feabhais, agus na caighdeáin is airde gnóthaíochta san uile ní. Is léiriú ríthábhachtach ar na hairdchaighdeáin úd an t-éide scoile. Deimhníonn sé ábhar bróid ár ndaltaí, go háirithe ar ócáidí ina ndéanann siad ionadaíocht ar son a scoile ag imeachtaí seach-churaclaim nú spóirt.

#### 1.4 Réasúnaíocht

Tacaíonn eadaí sábháilte agus oiriúnacha go mór leis an bhfoghlaim. Creidtear i nGaelcholáiste Charraig Uí Leighin, gur cuid lárnach d'éiteas na scoile an chulaith scoile, agus go bhfuil ról tábhachtach aici chun iompar dearfach, aitheantas agus

bród scoile a chothú, agus le cuimsiú a chothú i measc daltaí ó gach cúlra agus cine, saor ó bhrú sóisialta chun gléasadh ar chuma áirithe nó eile. Cothaíonn an t-éide scoile aontas agus gaoil dearfacha idir daltaí, a thacaíonn ardchaighdeán teagaisc agus fhoghlama. Is siombal láidir d'ár bpobal foghlama an t-éide scoile, a chuireann dea-íomhá na scoile chun cinn, a dhear ár gcéad daltaí agus a dtuistí, agus ar a rinne na geallshealbhóirí go léir athbhreithniú air ó shoin. Léiríonn sé ár mbród scoile, agus mar sin, coiméadtar go slachtmhar é i gconaí.

### **1.5 Spriocanna an pholasaithe**

- (a) Is é polasaí na scoile go gcaitheann daltaí an chulaith scoile iomlán le linn scoile, le linn imeachtaí scoile agus le linn scrúdaithe stáit. Tá an tréimhse a chaitear ar scoil lasmuigh d'uaireanta scoile san áireamh anseo, maraon leis an aistear chuig agus ón scoil.
- (b) Cothaíonn an chulaith scoile aitheantas i measc daltaí faoi phobal scoile.
- (c) Tacaíonn an chulaith scoile le cothromaíocht idir daltaí, agus le comórtas a sheachaint
- (d) Cabhraíonn sí le heagar i dtimpeallacht na scoile
- (e) Cothaíonn sí freagracht phearsanta. Ní mór do gach dalta a chinntiú go bhfuil siad ag caitheamh éadaí scoile glana, slachtmhara i gcónaí.
- (f) Cabhraíonn sí le haontas a chruthú idir grúpaí ó chúlraí éagsúla, agus le pólasaí cuimseachta na scoile a chothú.

## **2. Ábhar an Pholasaithe**

### **2.1 Is é atá i gceist le culaith scoile Ghaelcholáiste Charraig Uí Leighin ná;**

- Geansaí dúghorm
- Casóg dúghorm
- Léine ghorm is bhán
- Carbhat de dhath an fhíona
- Sciorta/Bristí liatha do chailíní
- Bristí liatha do bhuachaillí
- Bróga dúbha ísle iomláin
- Stocaí nó riteoga dúbha nó dúghorma

- Lomra scoile (roghnach)

Is í culaith scoile Chorp Oideachais na scoile ná:

- Culaith reatha Ghaelcholáiste Charraig Uí Leighin
- Léine-pholo Ghaelcholáiste Charraig Uí Leighin
- Bróga reatha atá glan, slachtmhar agus sábháilte.
- Brístí Gearra Chorpoideachas Ghaelcholáiste Charraig Uí Leighin (Roghnach).

**Ní ghlahtar le héadaí scoile ach amháin iad sin a chuirtear ar fáil i Siopa Uí Chathail, Carraig Uí Leighin (021 4375110).**

Ba chóir aird ar leith a thabhairt ar na pointí seo a leanas:

- a) Ní mór do stocaí a bheith laistigh de bhrístí.
- b) Táthar ag súil go mbeidh an sciorta d'fhad inghlactha agus gan aon leasú air.
- c) Is féidir t-léine bhán amháin a chaitheamh faoin éide scoile, ach í a bheith dofheicthe.
- d) Táthar ag súil go gcaithfidh daltaí an gnáth-chulaith scoile nó culaith spóirt na scoile, ach gan meascán den dá cheann a chaitheamh.
- e) Táthar ag súil le hardchaighdeán glaineacht ó gach dalta.
- f) Níl cead ag daltaí athrú chuig bróga reatha ag am lóin, ach amháin más imeachta spóirt réamheagraithe atá i gceist, agus cead tugtha roimis ag an múinteoir atá i bhfeighil.
- g) Caitear casóg na scoile amháin ag taisteal chuig nó ón scoil agus ag imeachtaí scoile.
- h) Ba chóir don léine a bheith curtha laistigh den bhríste nó sciorta, dúnta ina hiomlán.
- i) Ba chóir don charabhat a bheith dúnta suas ar fad.
- j) Caitear an chulaith scoile Chorp Oideachais na scoile ag amantaí réamhshocraithe leis na múinteoirí cuí amháin.
- k) Ní mór do mhúinteoirí a bheith ábalta aghaidh iomlán na ndaltaí a fheiscint.
- l) Tá éadaí reatha roghnacha (geansaí agus brístí gearra) ag an scoil, ach níl aon duaglas ar thuismitheoirí iad a cheannach. Tugtar na rudaí seo ar iasacht do dhaltaí ón scoil d'imeachtaí spóirt áirithe más gá.
- m) Ní mór do dhaltaí na bróga reatha a chaitheamh (de réir an liosta éide scoile) don Chorp Oideachais agus nuair a bhíonn an chulaith scoile spóirt á chaitheamh. Ar

mhaithe le sláinte agus sábháilteacht, ní cheadáitear ach bróga reatha oiriúnacha don Chorp Oideachais nó d'imeachtaí spóirt.

- n) Níl an scoil freagrach as gnéithe den éide scoile a chailtear, a ghoidtear nó ar a ndéantar damáiste.
- o) Is féidir le daltaí brístí gearra na scoile a chaitheamh don Chorpoideachas amháin. Níl aon chead iad a chaitheamh lasmuigh den tréimhse Corpoideachais.
- p) Is féidir an lomra scoile a chaitheamh thar an geansaí scoile. Níl cead é a chaitheamh in ionad an geansaí scoile.

## 2.2 Ag taisteal chuig/ón scoil

- a) Caitear an t-éide scoile iomlán ag taisteal chuig agus ón scoil.
- b) Moltar bandaí frithchaitheoireachta a chaitheamh ar an turas leis.
- c) Is féidir láimhíní, hataí agus scairfeanna a chaitheamh ar mhaithe le teas ar an turas chuig agus ón scoil/imeachtaí scoile, ach baintear iad ar shroichint na scoile/imeachta scoile.

## 2.3 Seodra

- a) Ní cheadáitear slabhraí, braisléidí, fáinní, fáinní chluasa nó seodra eile lena mbeadh baol sláinte agus sábháilteachta.
- b) Ba chóir do dhaltaí a bheith saor ó ealaín choirp.
- c) Caitear bioráin a bhaineann le Gaelcholáiste Charraig Uí Leighin amháin, agus atá réamh-cheadaithe ag an scoil.
- d) Tá cead ag an scoil aon seodra atá ag dalta gur bhaol sláinte agus sábháilteachta é, a thógaint ó dhalta.
- e) Ní cheadáitear uaireadóirí cliste ar scoil gan cead a lorg ó bhainistíocht na scoile.
- f) Ní chóir aon seodra a chaitheamh nuair atá ábhar practiciúil ar siúl ar bhonn sláinte agus sábháilteachta.

## 2.4 Gruaig

- a) Ba chóir stíleanna gruaige a bheith néata, discrétideach agus símplí, agus de dhath nádúrtha. Is é bainistíocht na scoile a thógfaidh an cinneadh faoi cad is “nádúrtha” ann.
- b) Ba chóir d'fhearas gruaige a bheith símplí agus gan maisiúchán.
- c) Ba chóir do ghruaig a bheith néata, slachtmhar agus curtha siar ón aghaidh.
- d) Níor chóir go gcuirfí aghaidh dalta faoi cheilt nó go ndéanfaí aon chur isteach ar mhúinteoirí aghaidh an dalta a fheiscint ina hiomláine.
- e) Ní ghlacfar le haon stíl ghruaige a tharraingtear aird daltaí ón bhfoghlaim.
- f) Tá cead glóthach gruaige a chaitheamh ar an mbeagán, de réir measúnú bhainistíocht na scoile.

## 2.5 Smidiú

Tá cead smidiú discréideach a chaitheamh ar scoil agus/nó ag imeachtaí scoile.

## 2.6 Ingní

Ba chóir go mbeadh ingní glana, slachtmhara ag na daltaí ar shlí nár baol sláinte nó sábháilteachta iad. Ceadaítear ingní bréagacha chomh fada nach mbíonn siad níos faide ná rinn na méara.

## 2.7 Comhionannas agus Sonraí eile

Tá réimse leathan reachtaíochta ann chun cosc a chur ar idirdhealú neamhdhleathach agus chun cearta daoine ó thaobh sonraí éagsúla a chosaint; cearta daonna, cine, gnéis agus míchumais ina measc. Tá Gaelcholáiste Charraig Uí Leighin aireach faoi idirdhealú indéireach. Ní dhéanfar aon idirdhú idir daltaí ar bhonn gnéis, cine, nú creidimh. Is cuid tábhachtach de chreidimh éagsúla ná go gcloífí le gnás feistis áirithe nó le gnásanna áirithe. D'fhéadfadh míreanna éagsúla d'éadaí nó éadaí geanúla (m.sh. an ceann a chlúdú) a bheith i gceist. Déanfaidh Gaelcholáiste Charraig Uí Leighin dianiarracht freastal a dhéanamh ar na riachtanaisí seo. Má dhéanann dalta cinneadh ceannbhart breise a chaitheamh ar bhonn creidimh, ní mór cloí le dathanna na scoile agus ceann dúghorm a chaitheamh. Ní chuirfear teorainn leis na cearta seo ach i gcásanna ar bhaol sláinte nó sábháilteachta iad, nú ar mhaithe le cosaint ar chearta agus ar shaoirse daoine eile.

## 3. Róil agus Freagrachtaí

### 3.1 Freagrachtaí na dTuismitheoirí

Braitheann an scoil ar thacaíocht na dtuismitheoirí/gcaomhnóirí agus an polasaí seo a chur i bhfeidhm aici. Níl sé praiticiúil nó féidearthach go ndéanfaí heisceachtaí leis. Déanfaidh an scoil dianiarracht éide scoile bhreise a chur ar fáil do dhaltaí atá i láthair gan éide scoile.

Is í freagracht gach tuismitheora/caomhnóra áirithigh ná go bhfuil:

- a) Do phaiste ag caitheamh a n-éide scoile iomlán cuí ar scoil, chuig gníomhaíochtaí scoile agus i rith scrúdaithe stáit;
- b) Cúis dhílis ag daltaí bheith gan éide scoile agus go bhfuil ephost ó tuismitheoir/chaomhnóir go dtí a gCeann Bliana roimh 08:45 ar an lá i gceist, ag míniú na cúise, ag nóta dochtúra a chur chuig na scoile i gcás riachtanais leighis;
- c) Lipéid shoiléire le hainm an dalta ar gach cuid den chulaith scoile le peann buan níocháin.
- d) Éadaí oiriúnacha á chaitheamh ag an dalta ar laethanta atá 'saor ó éide scoile';

e) Cufaí sceite, cnaipí ar iarraidh agus fáithimí íslithe deisithe láithreach.

**Moltar go láidir go gcuirtear ainm an dalta ar an taobh istigh den cóta scoile. Ní ghlacann an scoil aon fhreagracht do chótaí a chailltear.**

### **3.2 Freagrachtaí na Múinteoirí**

Déanfaidh múinteoirí monatóireacht ar an éide scoile ar bhonn laethúil.

## **4. Neamhchomhlíonadh le hionchas an éide scoile**

- Iarrfar ar dhalta a gcruth a fheabhsú ar scoil nó i rith gníomhaíochtaí scoile más gá.
- Má tá dalta ag caitheamh ball éadaigh nó seodra nach gcomhlíonann an ionchas éide scoile, iarrfar orthu é a chur ina mála. Má bhíonn a thuilleadh fadhbanna, tógfar an ball éadaigh nó seodra.
- I gcás nach gcloíonn dalta le rialacha maidir le héide scoile, cuirfear smachtbhannaí i bhfeidhm de réir Cód Iompair na scoile.
- Munar féidir le dalta cloí le riachtanas éigin éide scoile ar bhonn leighis, ba chóir dó/di nóta dochtúra a thabhairt chun na scoile maidin an lae atá i gceist.
- Is iad údaráis na scoile a thógfaidh an cinneadh faoi cad is caighdeán sásúil éide scoile ann.

## **5. Ábhar Airgeadais**

Sa chás na gcloínn dalta le riachtainisí an pholasaithe seo, déanfar fiosrúcháin chiúine ar chúiseanna an neamhchomhionannais seo. Más ar chúiseanna airgeadais é, léireoidh Gaelcholáiste Charraig Uí Leighin tuiscint ar an scéal. Ní cheart go mbraithfeadh dalta míchompórdach toisc nach bhfuil sé ar chumas a m(h)uintire an éide scoile a cheannach. Moltar do thuismitheoirí/caomhnóirí teagmháil a dhéanamh leis an scoil faoi éadaí scoile spártha sula gceannaítear ceann nua.

Ghlac Bórd Bainistíochta na scoile leis an bPolasaí seo ar an 18ú Eanáir 2017.

Tá sé ar fáil do pháirtithe leasmhara uile na scoile.

Déanfar athbheithniú bliantúil air, agus/nú athrófar é mar is gá.

Rinneadh an athbheithniú deireanach air ar an 21ú Aibreán 2026.